

Broj: JN/87-3764/17

Datum: 21.07.2017.godine

Na osnovu čl. 17. stav 1., 18. stav 1., 87. stav 1. tačka b) i stav 3. i 90. Zakona o javnim nabavkama Bosne i Hercegovine („Službeni glasnik BiH“, broj 39/14), člana 2. Pravilnika o postupku direktnog sporazuma broj: 05-485/15 od 25.02.2015.godine, a postupajući po zahtjevu OJ Tehnika broj: JN/87-3763/17 od 21.07.2017.godine Direktorica donosi

ODLUKU
o pokretanju postupka nabavke
usluge šivanja zavjesa u sali Narodnog pozorišta

1. Odobrava se pokretanje postupka nabavke usluga usluge šivanja zavjesa u sali Narodnog pozorišta u skladu sa dopunom Plana javnih nabavki za 2017.godinu broj: 05-3739/17 od 17.07.2017.godine.
2. Procijenjena vrijednost javne nabavke (bez PDV-a) iznosi 6.000,00 KM (slovima: šest hiljada KM)
3. Za provođenje predmetne javne nabavke usluga sredstva za plaćanje su predviđena u Budžetu Kantona Sarajevo za 2017. godinu, na budžetskoj organizaciji JU Narodno pozorište 22020001, konto 613700.
4. Javna nabavka će se provesti putem direktnog sporazuma.
6. Kriterij za dodjelu ugovora je najniža cijena.
7. Otvaranje i ocjenu ponuda sprovodit će Komisija za javne nabavke. Sastav i djelokrug rada Komisije iz prethodnog stava određen je Odlukom o imenovanju Komisije za nabavku roba, vršenje usluga i izvođenje radova broj: 05-379/17 od 26.01.2017. godine.
8. Sastavni dio ove odluke je zahtjev OJ Tehnika broj: JN/87-3763/17 od 21.07.2017.godine sa specifikacijom roba.
9. Ova odluka stupa na snagu danom donošenja.

OBRAZLOŽENJE

U postupku po zahtjevu OJ Tehnika broj: JN/87-3763/17 od 21.07.2017.godine utvrđeno je da je isti osnovan i da sadrži sve potrebne elemente za odlučivanje, u skladu sa članom 2. Pravilnika o postupku direktnog sporazuma broj: 05-485/15 od 25.02.2015. godine. Pri donošenju Odluke, Direktorica se posebno rukovodila činjenicom da je predložena nabavka planirana dopunom Plana nabavki broj: 05-3739/17 od 17.07.2017.godine pod rednim brojem 2. naziv i oznaka iz jedinstvenog rječnika javnih nabavki: 45451100-4 te da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka. Na osnovu utvrđenog činjeničnog stanja, odlučeno je kao u dispozitivu ove odluke.

Direktorica

dipl.ing.arh. Marijela Hašimbegović

Dostaviti:

-EPS

-a/a

U skladu sa članom 2.tačka(4)Pravilnika o postupku direktnog sporazuma broj:05-485/15 od 25.02.2015.godine
Upravni odbor JU Narodno pozorište je dao saglasnost na ovu odluku.

199 V. Klasefer
Predsjednik Upravnog odbora

Broj: JN/87-3771/17

Datum: 24.07.2017.godine

Na osnovu člana 64. stav 1. tačka b), člana 70. st. 1,3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), a u skladu sa članom 6. Pravilnika o postupku direktnog sporazuma broj: 05-485/15 od 25.02.2015.godine, na Preporuku Komisije za javnu nabavku broj: JN/87-3770/17 od 24.07.2017. godine, u postupku javne nabavke usluga šivanja zavjesa u Sali JU NPS u skladu sa dopunom Plana javnih nabavki za 2017.godinu broj:05-3739/17 od 17.07.2017.godine., i člana 49. Pravila JU Narodno pozorište (Prečišćeni tekst) broj: 05-2991/14 od 25.09.2014., Direktorica donosi

ODLUKU

o izboru najpovoljnijeg ponuđača

1. Prihvata se Preporuka Komisije za javne nabavke broj: JN/87-3770/17 od 24.07.2017. godine i Ugovor za javnu nabavku usluga –šivanja zavjesa u Sali JU NPS dodjeljuje se ponuđaču COLOR PALETA ponuda broj: 3767/17 od 24.07.2017. godine, za ponudenu cijenu od 5.990,00 KM, bez PDV-a ocijenjenom kao prihvatljivom.
2. Prijedlog ugovora o nabavci dostavit će se na potpis izabranom ponuđaču COLOR PALETA odmah po donošenju odluke.
3. Za izvršenje ove odluke zadužuje se i ovlašćuje Ekonomsko –pravna služba.
4. Ova odluka objavit će se na web-stranici www.nps.ba istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.
5. Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine.

Obrazloženje

Postupak javne nabavke pokrenut je Odlukom o pokretanju postupka javne nabavke broj: JN/87-3764/17 od 24.07.2017. godine.

Javna nabavka je provedena putem direktnog sporazuma.

Procijenjena vrijednost javne nabavke bez PDV-a je 6.000,00 KM.

Istraživanje tržišta, pismeni prijedlog cijena upućen je COLOR PALETA

Komisija za javnu nabavku imenovana je Odlukom broj:05-379/17 od 26.01.2017.godine.

Komisija za javnu nabavku dostavila je dana 24.07.2017.godine zapisnik o ocjeni ponude i Preporuku o izboru prihvatljivog - najpovoljnijeg ponuđača broj: JN/87-3770/17 od 24.07.2017. godine, u postupku javne nabavke usluga – šivanje zavjesa u Sali JU NPS

U postupku po zapisniku o ocjeni ponude je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjele ponude, o čemu je sačinila odgovarajući zapisnik broj: JN/87-3769/17 od 24.07.2017.godine.

U postupku donošenja ove odluke, posebno su cijunjene činjenice da je Komisija pravilno i potpuno, dala ocjenu prispjele ponude.

Iz navedenih razloga, primjenom člana 64. stav 1. tačka b) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Direktorica

Marijela Hašimbegović, dipl.ing.arh.



Dostaviti:
-Ponuđaču
-a/a

UGOVOR O JAVNOJ NABAVCI USLUGA

zaključili dana 24.07.2017. godine

JU NARODNO POZORIŠTE SARAJEVO, ul. Obala Kulina bana 9, kojeg zastupa direktora Marijela Hašimbegović, dipl.ing.arh (u daljem tekstu: Naručilac usluga)
IB : 4200566570002

i

COLOR PALETA d.o.o., ul. Kolodvorska 11A, kojeg zastupa direktor Snježana Kovžan (u daljem tekstu: Isporučilac usluga)
IB 4200294980001
I PDV 200294980001
TR

I Predmet ugovora

Član 1.

Predmet ovog Ugovora je isporuka usluga-šivanja zavjesa u Sali JU NPS (u daljem tekstu: Usluga) u Sarajevu za Naručioca Usluga, prema postupku dodjele ugovora iz člana 90. Zakona o javnim nabavkama Bosne i Hercegovine („Službeni glasnik BiH“, broj 39/14) i prema Ponudi Isporučioca usluga, broj: 3767/17 od 24.07.2017.godine, koja čini sastavni dio ovog Ugovora.

Isporučilac usluga se obavezuje:

1. Sukcesivno vršiti usluge prema zahtjevu Naručioca.

Naručilac usluga se obavezuje:

1. Sukcesivno naručivati usluge prema ponudi Isporučioca.

II Cijena

Član 2.

Ukupna cijena za Usluge iz člana 1.ovog ugovora utvrđuje se u iznosu do 5.990,00 KM (slovima: pethiljadadevetstotinadevedeset KM) bez uključenog poreza na dodanu vrijednost (bez PDV-a).

III Rok izvršenja

Član 3.

Isporučilac usluga se obavezuje isporučiti usluge iz člana 1. ovog ugovora na način preciziran narudžbenicom od Naručioca usluga dana -sukcesivno

IV Rok i način plaćanja

Član 4.

Naručilac usluga se obavezuje platiti Usluge iz člana 1. ovog ugovora u roku do 30 (trideset) dana od dana ispostavljanja fakture koju je obavezan ispostaviti Isporučiocu usluga.

V Ostale odredbe

Član 5.

U slučaju propusta Isporučioca usluga u izvršavanju Ugovora, Naručilac usluga može uz dostavljanje Isporučiocu usluga pismene obavijesti o neizvršavanju ovog Ugovora prekinuti ugovorni odnos u cjelini ili u njegovom dijelu.

Član 6.

Ako slučaj više sile potpuno ili djelomično spriječi izvršenje obaveza po ovom Ugovoru, ugovorna strana je obavezna obavijestiti drugu stranu u roku od 2 (dva) dana od dana nastanka više sile.

Član 7.

Sve eventualne sporove ugovorne strane će riješavati sporazumno u duhu dobrih poslovnih običaja i uzajamnog povjerenja. Ukoliko se sporazumno rješenje ne postigne nadležan je sud u Sarajevu.

Član 8.

Ovaj Ugovor stupa na snagu danom obostranog potpisa ugovornih strana po ovlaštenim licima.

Član 9.

Sve izmjene i dopune ovog Ugovora mogu se vršiti isključivo i samo uz pismenu saglasnost ugovornih strana.

Član 10.

Sastavni dio ovog Ugovora čini:


1. Ponuda broj: 3767/17 od 24.07.2017. godine.

Član 11.

Ovaj ugovor je sačinjen u 4 (četiri) jednaka primjeraka od kojih Naručilac usluga zadržava 2 (dva), a 2 (dva) primjerka se uručuju Isporučiocu usluga.

Za Isporučioca usluga

DIREKTOR



Broj: 196/17
Sarajevo, 24.07.2017

Za JU Narodno pozorište Sarajevo

DIREKTOR



Broj: JN/87-3773/17
Sarajevo, 24.07.2017.god.